




117
388

妙法蓮華經。如來壽量品第十六

爾時佛告諸菩薩及一切大衆。諸善男子。汝等當信解如來誠諦之語。復告大衆。汝等當信解如來誠諦之語。又復告諸大衆。汝等當信解如來誠諦之語。是時菩薩大衆。弥勒爲

首合掌白佛言。世尊唯願說之。我等當信受。
佛語如是三白已。復言唯願說之。我等當信。
受佛語。今時世尊知諸菩薩三請不止。而告
之言。汝等諦聽。如來秘密神通之力。一切世
間天人及阿脩羅皆謂。今釋迦牟尼佛出釋
氏宮去伽耶城不遠。坐於道場得阿耨多羅
三藐三菩提。然善男子。我實成佛已來無量
無邊百千萬億那由他劫。譬如五百千萬億
那由他阿僧祇三千大千世界。假使有人。抹
爲微塵。過於東方五百千萬億那由他阿僧

祇國乃下一塵如是東行盡是微塵諸善男
子於意云何是諸世界可得思惟校計知其
數不彌勒菩薩等俱白佛言世尊是諸世界
無量無邊非算數所知亦非心力所及一切
聲聞辟支佛以無漏智不能思惟知其限數
我等住阿惟越致地於是事中亦所不達。世
尊如是諸世界無量無邊尔時佛告大菩薩
衆諸善男子今當分明宣語汝等是諸世界
若著微塵及不著者盡以爲塵一塵一劫我
成佛已來復過於此百千萬億那由他阿僧

祇劫自從是來我常在此娑婆世界說法教
化亦於餘處百千萬億那由佗阿僧祇國導
利衆生諸善男子於是中間我說燃燈佛等
又復言其入於涅槃如是皆以方便分別諸
善男子若有衆生來至我所我以佛眼觀其

信等諸根利鈍隨所應度處處自說名字不
同年紀大小亦復現言當入涅槃又以種種
方便說微妙法能令衆生發歡喜心諸善男
子如來見諸衆生樂於小法德薄垢重者爲
是人說我小出家得阿耨多羅三藐三菩提

然我實成佛已來久遠若斯但以方便教化
衆生令入佛道作如是說諸善男子如來所
演經典皆爲度脫衆生或說已身或說他身
或示已身或示他身或示已事或示他事諸
所言說皆實不虛所以者何如來如實知見
三界之相無有生死若退若出亦無在世及
滅度者非實非虛非如非異不知三界見於
三界如斯之事如來明見無有錯謬以諸衆
生有種種性種種欲種種行種種憶想分別
故欲令生諸善根以若干因緣譬諭言辭種

種說法所作佛事未曾暫廢。如是我成佛已
來甚大又遠壽命無量阿僧祇劫常住不滅
諸善男子。我本行菩薩道所成壽命。今猶未
盡。復倍上數。然今非實滅度。而便唱言當取
滅度。如來以是方便教化衆生。所以者何。若
佛久住於世。薄德之人。不種善根。貧窮下賤
貪著五欲。入於憶想。妄見細中。若見如來常
在不滅。便起憍恣。而懷厭怠。不能生於難遭
之想。恭敬之心。是故如來以方便說。比丘當
知。諸佛出世難可值遇。所以者何。諸薄德人

過無量百千萬億劫。或有見佛。或不見者。以
此事故。我作是言。諸比丘。如來難可得見。斯
衆生等。聞如是語。必當生於難遭之想。心懷
戀慕。渴仰於佛。便種善根。是故如來。雖不實
滅。而言滅度。文善男子。諸佛如來。法皆如是。

爲度衆生。皆實不虛。譬如良醫。智慧聰達。明
練方藥。善治衆病。其人多諸子息。若二十
乃至百數。以有事緣。遠至餘國。諸子於後。飲
他毒藥。藥發。悶亂宛轉于地。是時其父還來
歸家。諸子飲毒。或失本心。或不失者。適見其

父皆大歡喜拜跪問訊善安穩歸我等愚癡
誤服毒藥願見救療更賜壽命父見子等苦
惱如是依諸經方求好藥草色香美味皆悉
具足擣莖和合與子令服而作是言此大良
藥色香美味皆悉具足汝等可服速除苦惱
無復衆患其諸子中不失心者見此良藥色
香俱好即便服之病盡除愈餘失心者見其
父來雖亦歡喜問訊求索治病然與其藥而
不肯服所以者何毒氣深入失本心故於此
好色香藥而謂不美父作是念此子可惑爲

毒所中心皆顛倒。雖見我喜求索救療如是。
好藥而不肯服。我今當說方便令服此藥。即
作是言。汝等當知我今衰老死時已至。是好
良藥。今留在此。汝可取服。勿憂不差。作是教
已。復至他國。遣使還告。汝父已死。是時諸子
聞父背喪。心大憂惱。而作是念。若父在者。慈
愍我等。能見救護。今者捨我。遠喪他國。自惟
孤露。無復恃怙。常懷悲感。心遂醒怙。乃知此
藥色香味。悉即取服之。毒病皆愈。其父聞子
悉已得差。尋便來歸。咸使見之。諸善男子。於

意云何頗有人能說此良醫虛妄罪不不也
世尊佛言我亦如是成佛已來無量無邊百
千萬億那由他阿僧祇劫為衆生故以方便
力言當滅度亦無有能如法說我虛妄過者
尔時世尊欲重宣此義而說偈言

自我得佛來 所經諸劫數 無量百千萬 億載阿僧祇
常說法教化 無數億衆生 令入於佛道 尔來無量劫
為度衆生故 方便現涅槃 而實不滅度 常住此說法
我常住於此 以諸神通力 令顛倒衆生 雖近而不見
衆見我滅度 廣供養舍利 咸皆懷戀慕 而生渴仰心

衆生既信伏 質直意柔輒 一心欲見佛 不自惜身命

時我及衆僧 俱出靈鷲山 我時語衆生 常在此不滅

以方便力故 現有滅不滅 餘國有衆生 恭敬信樂者

我復於彼中 爲說無上法 汝等不聞此 但謂我滅度

我見諸衆生 沒在於苦海 故不爲現身 令其生渴仰

因其心戀慕 乃出爲說法 神通力如是 於阿僧祇劫

常在靈鷲山 及餘諸住處 衆生見劫盡 大火所燒時

我此土安穩 天人常充滿 園林諸堂閣 種種寶莊嚴

寶樹多花果 衆生所遊樂 諸天擊天鼓 常作衆鼓樂

雨曼陀羅華 散佛及大衆 我淨土不毀 而衆見燒盡

憂怖諸苦惱 如是悉充滿 是諸罪衆生 以惡業因緣
過阿僧祇劫 不聞三寶名 諸有修功德 柔和質直者
則皆見我身 在此而說法 或時爲此衆 說佛壽無量
久乃見佛者 爲說佛難值 我智力如是 慧光照無量
壽命無數劫 久修業所得 汝等有智者 勿於此生疑

當斷令永盡 佛語實不虛 如醫善方便 爲治狂子故
實在而言死 無能說虛妄 我亦爲世父 救諸苦患者
爲凡夫顛倒 實在而言滅 以常見我故 而生憍恣心
放逸著五欲 墮於惡道中 我常知衆生 行道不行道
墮應所可度 爲說種種法 每自作是念 以何令衆生

得入無上道 速成就佛身